



**Crisis Theologica**

**Cárdenas, Juan de**

**Sevilla, 1687**

Cap. IV. An hoc decretum sit Romani Pontificis loquentis ex Cathedra?

---

[urn:nbn:de:hbz:466:1-75689](#)

*suam auditis; idem Sanctissimus D.N. re postea mature considerata statuit, & decrevit, pro nunc sequentes propositiones, & unamquamque ipsarum, sicut iacent, ut minimum tamquam scandalosas, & in praxi pernicioſas, esse dannandas, & prohibendas, sicuti eas dannat, & prohibet.*

88. Et post enumeratas sexaginta quinque propositiones, prohibet ipse Pontifex sub pœna excommunicatioſis latæ ſententiæ, ne quis illas defendat, vel edat, vel diſputative trac-tet, niſi impugnando, & in virtute sanctæ obedientiæ prohibet omnibus Christi Fidelibus, ne prædictas opinio-nes ad præxim deducat. Vbi vides, in hoc negotio Cardinales ſolum egiftiſe conſultationem, & iſpum Românum Pontificem edidisse decretum. Ex cuius tenore authentico patet etiam, hoc decretum promulgatum eſſe no-mine Innocentij XI. ſicut cæteræ leges Romani Pontificis promulgari ſolent. Quare ne minimum quidem vefti-gium remanet, vnde oriri poſſit dubi-tatio, quo minus hoc decretum im-me-diate à Romano Pontifice prodi-rit.] Huc vñque in eo art. 2. paucis mu-tatis.

## C A P V T IV.

*An hoc decretum fit Romani Pontificis loquentis ex Cathedra?*

## SVMMARIVM.

*Voces, que ſignificant loqui Pontificem ut caput Ecclesiæ. n. 89.*

*Quid ſit loqui Pontificē ut caput Eccle-ſia ex mente Doctorum: n. 90. & ſe qq. Oſtenditur hoc decretum eſſe Innocen-tij XI. loquentis ex Cathedra. n. 94. Pontifex edit illud pro vniuerſa Eccle-ſia, & vult ab omnibus Fidelibus ad-*

*mitti. n. 95. &c ſeqq. Quando Pontifex obiter aliquid decer-nit, tunc non loquitur ex Cathedra. n. 98.*

*Discrus quorundam, quod quando Pontifex decernit aliquid per Sacra Congregationem, non loquitur ex Ca-thedra. n. 99.*

*Hunc diſcurſum carere omni probabili-tate, oſtenditur. n. 100.*

*Quam leve ſit fundamen-tum eius diſcurſus? n. 101.*

*Sacra Congregationes inſtituta ſunt pro-maturiori deliberatione habenda. n. 102.*

*Damnationem opinionis de abſolutione in abſentia decretam in Sacra Con-gregatione omnes Doctores admit-tunt tamquam à capite Ecclesiæ profeſtam. n. 103.*

*Idem conſtat ex hoc decretro. ibid.*

89. **E**x art. 3. eiusdem capitis 20. paucis ſuperadditis. [ Romanum Pon-tificem loqui ex Cathedra, docere Ec-clesiam, loqui Ecclesiæ, & loqui ut caput Ecclesiæ, quatuor ſunt omnino ſynonima, & eiusdem pro rorsus ſignifi-cationis, vt patet ex communi modo loquendi doctorum omnium, à qui-bus in ſignificatione vocum recedere, errare eſt.

90. Sed quid eſt Pontificem loqui ex Cathedra, & vt caput Ecclesiæ? Optime explicuit P. Valencia 2. 2. quæſt.

1. punct. 7. §. 39. inquiens: *Tunc vero de-finire ( Summum Pontificem) ut Ec-clesiæ caput, quando decretum ederet pro vniuerſa Ecclesia, quodque vellet à fidelibus indubitanter admitti.*

91. Idem tradit P. Suarez contra Regem Angliæ, lib. 1. cap. 3. n. 16. illis verbiſ: *Breviter dicimus, aliud eſſe loqui de decretis Pontificum, quatenus per ea aliquid definiunt, vel approbat tam-quam credendum, vel observandum ab vniuerſa Ecclesia; aliud de privatis ſententijs, opinionibus, aut rationibus Ponti-*

*Pontificum. In presenti enim de prioribus decretis tractamus, &c. Vbi manifeste significat, Pontificem definire tamquam caput Ecclesiae id, quod definit, vel approbat tamquam credendum, vel observandum ab uniuersa Ecclesia.*

*92. Eodem modo loquitur Melchior Canus lib. 6. de locis Theologis cap. 8. in responsione ad ultimum argumentum, vbi tractans eam quaestione, [An Papa possit incidere in haeresim?] inter alia ita assentit. Aliud est in Petro, quod spectat ad hominis privatam excellentiam; aliud, quod pertinet ad communem Ecclesiae utilitatem. Quam sententiam multis explicat, & confirmat in eum finem, ut declareret, tunc definire Pontificem tamquam caput Ecclesiae, cum tradit illud, quod pertinet ad communem Ecclesiae utilitatem.*

*Granad. 93. Eodem modo id explicat P. Granado 2. 2. controv. 1. tract. 7. disp. 2. sect. 1. num. 1. ipsis verbis ac P. Valencia citatus, & eodem modo id explicant communiter Doctores.*

*94. Hinc manifeste patet, hoc decretum esse Innocentij XI. loquentis ex Cathedra, docentes Ecclesiam, & ut capit is Ecclesiae Primo. Quia praecepit, hoc decretum publicari suo nomine, sicut ceterae leges universales promulgantur.*

*95. Secundo. Tunc enim decernit Romanus Pontifex ut caput Ecclesiae, quando decretum edit pro uniuersa Ecclesia, illudque vult ab omnibus Fidelibus indubitanter admitti: atqui sic edidit decretum hoc: ergo in eo loquitur ex Cathedra, & ut caput Ecclesiae. Maior patet. Nam in ultima periodo dicitur: *Quicumque autem cuiusvis conditionis, status, & dignitatis illas, vel illarum aliquam coniunctim, vel divisiim defendenter, vel ediderit, vel de eis disputative, publice, aut privatim tractaverit, nisi forsitan im-**

*pugnando, ipso facto incidat in excommunicationem latet & sententiae, à qua nō posse (præter quam in articulo mortis) ab aliquo quacumque etiam dignitate fulgente, nisi pro tempore existente Romano Pontifice, absolvitur.*

*96. Insuper districte in virtute sanctæ obedientiae, & sub interminatio ne Diuini iudicij, prohibetur omnibus cuiuscumque conditionis, dignitatis, & status, etiam speciali, & specialissima nota dignis, ne predictas opiniones, aut aliquam ipsarum ad proximam deducant.*

*97. Item constat ex procœmio, vbi dicitur, requiri etiam remedium universale pro omnibus ovibus sibi commissis, illis verbis: *Ovium sibi à Deo creditarum saluti sedulo incumbens, & salutare opus in segregandis noxijs doctrinarum pacuis ab innoxijis à felic record. Alexandro VII. predecessore suo inchoatum prosequi volens.**

*98. Quando autem obiter, & per transennam Pontifex aliquid decernit, etiam in materia Fidei, & morum, tunc non loquitur ex Cathedra, neque decernit ut caput Ecclesiae. Patet. Quia id, quod ita loquitur Pontifex, non intendit à Fidelibus indubitanter admitti. Ideo cum Nicolaus 1. cap. *A quodam Iudeo*. De consecratione dist. 4. dixit, Baptismum in nomine Christi collatum valere; id quidem non dixit ut caput Ecclesiae, quia dixit obiter & per transennam; cum solum assumpsisset definiendum, an Baptismus à Iudeo collatus sit validus. ] Hac fere omnia transcripta sunt ex eo art. 3.*

*99. P. Mathæus de Moya tom. 1. selectar. disp. 1. q. 6. n. 23. & Raymundus Lumbier in annotatione prævia Moya. Lumbiera ad hoc decretum num. 1673. referunt quosdam Theologos ( suppressis nominibus) afferentes, quando Pontifex per Sacram Congregationem Cardinalium prohibet, aut condemnat librum, aut doctrinam aliquam, iubens expresse, quod eiusmodi decretū prohibe-*

hibitorium suo nomine promulgetur, tunc non loqui ut caput Ecclesiæ, sed solum ut caput, & ut Præsidem eius Congregationis. Et ego audivi quemdam Theologum, qui id assertum explicabat hoc exemplo. Nā si Rex Hispaniæ in Congregatione Ordinis S. Iacobi præcipit aliquid, id non præcipit tamquam Rex, sed tamquam Magister generalis Ordinum Militarium, vel potius, ut Administrator eius Magisterij Generalis. Id quod videtur applicari posse ad cætera decreta Sacrae Congregationis, quæ iubet Pontifex suo nomine promulgari.

100. Is tamen discursus caret omni probabilitate, & est manifeste falsus. Tūc enim Romanus Pontifex loquitur ut caput Ecclesiæ, quād edit decretū pro tota Ecclesia, quodque vult ab omnibus Fidelibus observari; vt ex supradictis constat: sed Romanus Pōtifex iubens observari decretum aliquod Sacrae Congregationis, illud edit pro tota Ecclesia, & vult ab omnibus Fidelibus observari: ergo loquetur tamquam caput Ecclesiæ.

101. Exemplum autem non est ad rem. Nam vel Rex edit decretum pro toto suo Regno, aut solum illud edit pro Ordine S. Iacobi, aut personis illius Ordinis? Primum dici non potest in ea hypothesi, quæ supponit decretum esse de materia pertinente ad Ordinem Militarem. Si vero secundum dicas, manifestum est, quod sic non decernit ut Rex, sed ut Præses Ordinis Militaris; tum quia iurisdictio qua id præcipit, est alterius hierarchie; oritur enim ex commissione Papæ; tum quia non decernit circa gubernationem Regni. In quo manifestum est discrimen inter Pontificem, & Regem in præfatis casibus. Pontifex enim decernit in Congregatione Cardinalium pro tota Ecclesia; Rex autem non decernit tunc pro toto Regno, sed pro eo Ordine Militari. Et

quidem si Rex Congregationi Ordinis Sancti Iacobi committeret univeralem Regni gubernationem, si in eo casu Præsidens ei Congregationi decerneret aliquid pro toto Regno, quomodo potest intelligi, quod nō decerneret ut Rex, & ut caput sui Regni? Ergo idem de Pontifice dicendum est, dum decernit intra Congregationem Cardinalium pro tota Ecclesia, nempe quod tunc decernit tamquam caput Ecclesiæ.

102. Et quidem cum Romani Pontifices, ut procedant sine periculo errandi, nihil determinant sine matura deliberatione, & Theologorum, & Cardinalium consultatione; exerunt varias Congregations Cardinalium, ut distributis in varias classes varijs generibus controversiarum, faciliter possent Pontifices habere eam maturam deliberationem, quam si vni Congregationi omne genus consultationum commiteretur. Quod ergo statuerant Pontifices ad maturiorem deliberationem habendam, isti Theologi (qui omnia, etiam ex levissimo fundamento excogitata, contendunt esse probabilia) transferre volunt ad hoc, quod iam Pontifex non definit contoversias tamquam caput Ecclesiæ: cū multo maiora signa capitis Ecclesiæ reperiuntur in eo, quod velint Pontifices faciliorem modum habendi maturiorum deliberationem.

103. Quod optime confirmat P. Moya cit. ex eo quod omnes Theologi admirerint, tamquam datam à Pontifice, ut est caput Ecclesiæ damnationem, qua Clemens VIII. damnavit opinionem de absolutione Sacramentali in absentia; cum tamen ea damnatio prodierit in eadem forma, scilicet à Sacra Congregatione Cardinalium; iubente Pontifice, ut suo nomine promulgaretur.

Præterea nam, ut observavit Lumbier supra citatus, ex ipso decreto clare

re constat, illud immediate procedere ab Innocentio XI. tamquam à capite Ecclesiæ. Nam cum Lovanienses subiecerunt Pontifici centum & quinquaginta propositiones censurandas, hoc decreto solum sexaginta quinque damnatae sunt; & in decreto post damnationem subiungitur: *Idem Sanctissimus in virtute Sancte obedientiae eis precipit, ut tam in libris imprimendis ac manuscriptis, quam in thesibus, disputationibus, ac prædicationibus caveat ab omni censura & nota, nec non à quibuscumque convicijs contra eas propositiones, que adhuc inter Catholicos hinc inde controvertuntur, donec à SANCTA SEDE recognita super eisdem propositionibus IUDICIVM proferatur.* Hæc enim verba aperte significant, has sexaginta quinque propositiones à SANCTA SEDE recognitas esse, & super eisdem iudicium esse prolatum; reliquas autem non esse censurandas, donec à SANCTA SEDE recognita, &c. Constat ergo iudicium condemnatorum sexaginta quinque propositionum à SANCTA SEDE immediate prodijſe. Cum autem dicitur à SANCTA SEDE, non intelligitur de Romano Pontifice ut privato doctore, sed de illo ut capite Ecclesiæ, & docente ex Cathedra.

Denique demonstratur hæc assertio. Nam decretum de celebratione Missarum factum in Sacra Congregatione Cardinalium, vel prodijt ab Urbinio VIII. tamquam à capite Ecclesiæ, vel non? Si primum affimes, infero: ergo quod fiat decretum in Sacra Congregatione, non obstat, quo minus procedat à Romano Pontifice tamquam à capite Ecclesiæ, & non tamquam a mero præside Congregationis. Si vero dicas, illud decretum non prodijt ab Urbinio tamquam à capite Ecclesiæ, ut pote factum in Sacra Congregatione, infero: ergo non est scandalosum dicere, quod post illud decretum liceat accipere duplicatum stipendiū pro celebratione vnius Missæ;

dium pro celebratione vnius Missæ; cum ea decreta, quæ non procedunt à Romano Pontifice tamquam à capite Ecclesiæ, non obligent conscientiam omnium Fidelium: ergo contradicis Alexandro VII. qui declarat scandalosam hanc propositionem: *Post decretum Urbani VIII. licet adhuc duplicatum stipendiū accipere pro celebratione vnius Missæ.* Quas autem propositiones damnavit Alexander VII. omnes Theologi tamquam scandalosas reiiciunt.

## C A P V T V.

*An hoc decretum statututum sit ex matura deliberatione?*

## SVMMARIVM.

*Prima opinio quod Pontifex errare potest, si decernat absque matura deliberatione.* n. 104.

*Secunda opinio opposita.* d. 105.

*Authores, qui negant casus possibilitatem.* n. 106.

*Certitudo huius tertiae sententiae promovetur.* n. 107.

*Reiicitur opinio afferentium, posse errare Pontificem, si non audiat consilia Cardinalium, & Theologorū.* n. 108.

*Ostenditur hoc decretum processisse ex matura deliberatione.* n. 109.

104. **E**X art. 4. desumpta sunt hæc, quæ sequuntur. [Pro decisione quæstionis sciendum est, esse sententiam aliquorum Doctorum, si Romanus Pontifex absque matura deliberatione decerneret in materia Fidei, & morum, exponi periculo errandi; aut faltem non esse certum, quod hoc modo haberet infallibilē Divini Spiritus assentiam, eo quod hæc promissa est à Christo Romanis Pontificibus, dū ad decreta Fidei, & morū prudenti modo procederet. Ita Gravina in controversiōne 2. part. 2. art. 9. & Araux. 2. 2. quæst. 1. art. 10. dub. 5. num. 14. & Bordonus in Trib. c. 5. quæst. 2. 5. n. 119. apud Dianā part. 11. tract. 2. de Roma. Pōtif. resol. 5..

105. Oppositam sententiam sustinet P. Valēcia 2. 2. quæst. 1. pūct. 7. §. 40. *Valenc.*  
*Cat. Pal.*  
*Bañez.*  
*P. Cas-*

*Gravina.*  
*Araux.*  
*Bordonus.*  
*Diana.*